

T 5237.77 / (22070)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
YAMAMOTO
NOV 21 1958

有
1086

一卷

高啓 青生

劉基

袁凱

汪廣洋

張以寧 翠屏

林鴻

浦源 東海

王禕 梅雲道人

林弼

韓守益 樗壽

倪瓚 雲林

吳志淳

趙迪 鳴秋 徐有貞

郭奎

劉仔肩

沈夢麟

華幼武

許縉

姚廣孝

王侁

曾

王恭

王綏

謝復古

張和 餘菴

陳音 愧齋

李東陽 西庄

石瑤

莊景定

二卷

顧璘 東橋

顧

王守仁 陽明子

王廷相 浚川

康海 對山

孟 無涯

嚴

杭

熊

唐

何

唐

桑

李

沈


周

石

明詩

卷之二
七言

有
1086



重刻穆先生批

萬曆乙酉歲秋月金陵胡氏東塘繡梓

點明詩七言律

刻批點明詩七言律序

康安院藏書

余自髫齒即與敬甫穆君友時
敬甫方為諸生即以聲詩自娛
比既登第益復厭去舉子業一
意為詩既已取唐詩百家披讀
得其要領乃復取

國書館珍藏印

國初以來。明詩百家。芟繁撮要。掇其七言律體若干首。彙成卷帙。擬與衆共之。余閱之。至竟。則見洪武永樂間諸詩。氣渾淪不散。似唐之貞觀永徽。宣德成化。文詞漸入宏麗。似神龍開元。弘

正嘉隆萬曆以來。若何仲默。李獻吉。李于鱗。王元美。諸人。皆以英邁之氣。發弘深之思。磨礱歲月。流連光景。故與盛唐李杜岑王諸大家。相頡頏。洋洋乎稱風雅矣。穆君其用意勤哉。余故僭

為之說曰。一代非無詩之患。而不能選之患。非不能選之患。而不能身有之患。故般倕辨材。惟其善斷。伶倫審音。惟其善吹。易牙能嘗淄澠之水。惟其善味。蓋三子惟身有之。故能辨之。若此。

苟以舟楫之子。而妄談騏驥飛黃之步。被褐衣毳之夫。而與論天馬立馱之錦鮮。不誤矣。故余既讀穆君所選律。而復取穆君所自為律。並讀之。若花底晴雲。隨杖屨。酒邊明月。遲羊何。山蜂

言七言律
卷六
三
趁日叢林外。竹鳥狎人曲檻前。
盈盈霧向欄邊合。藹藹霞從樹
裏飛。鷗鷺忘機能下客。波濤有
信不關風。他鄉生死同袍在。千
里提攜一劍存。即看鵬翼三天
起。更作南溟萬里飛。一別寒風

吹木葉。幾回芳信託梅花。斗間
氣色歸談柄。天外雲霞落酒觥。
馬度江鄉秋草色。驂停河朔故
人情。紛披木葉悲殘景。突兀風
雲感壯心。斗外晴光霞閃閃。杯
中寒影月沉沉。集中此類甚多。

未能悉舉。要之皆空中之音。相中之色。為律家之上乘也。夫詩必如穆君。而後可以選詩。詩出於穆君。選而後可傳。所謂般倕於材。伶倫於音。易牙於味者。是矣。豈蹈於舟子。褐夫之談也耶。

穆君律詩凡百篇。有奇。石拱辰氏手加批評。珍藏篋笥。舊矣。余因取而置之集末。誠欲因茲選以知穆君。而又因穆君以重茲選也。余素不閑詩。然日與穆君遊。備覽其詩。而穆君又時時索

月言七言律序
余與石君為賡和之章。余亦嘗
為東家施也。觀者其幸無以余
選穆君詩。足重穆君。而因以併
知余乎。穆君近又寄余以塞下
曲十絕。薊門凱歌長句一首。絕
則竒之又竒。即王昌齡復起。可

知避席。長句寫出旌旗變態。無
異李廣推墮胡兒。及項羽河北
大戰兩段。蓋老杜為徒。而太白
退舍矣。顧拘於律。不入刻次第
當有全刻出。余茲預為之先聲。
見敬甫諸體咸優。足擅詞場也。

萬曆九年歲辛巳仲春朔旦魏
郡趙國璧伯完撰

刻敬甫七言律引

敬甫君取我

明詩數百家。歷數十年閱之。拔選得七
言律若干篇。各加評語。將梓行之。而其
所自為詩。不與焉。余與伯完趙君。夙從
君遊。知君苦心聲律。而其自為詩。又雄
深典麗。直逼貞元大曆之間。嘗與王元

美詩並刻。元美乃報之詩云。怪來鄴下
韓陵石。全厭江東幼婦碑。又遺余書云。
敬甫詩賦天矯不群。大有竒進。不意江
北乃有此絕。蓋緣吾邑遠於都會。而敬
甫又宦遊未幾。故人鮮知之。而元美亟
獎之辭。則賀監之所以竒謫仙。少陵之
推轂嘉州者也。其詩不有定價哉。乃顧

嫌於自選。置而不錄。豈非缺典與。余故
與伯完氏拔其七言律若干首。謬如例
批點。置諸集末。正以見穿楊有技。乃可
論弧矢。洞垣無蔽。始足議岐黃。觀君之
詩。則益知君之所選詩矣。君嘗與余評
騭古今。以為我朝詩遠勝有唐。唐惟
杜工部建節登壇。多多愈善。次則王岑

高孟四子。提枹鼓立轅門。可將數十萬。
姚許而下。直可克牙將耳。若我明何
李王李吳徐孫七子。自可對壘工部。橐
鞬四子。而置牙將於不數。此其為論。蓋
獨出鑒裁。不主耳目。足為古今定衡。余
聞之為灑然也。君又從容語余曰。方今
海內無事。人得肆力文事。自廊廟下

及草莽。其歌詠大平。追跡騷雅者。曷限
吾顧以茲集。槩之能無知我罪我者乎。
余曰不然。桂林之材。斧斤難盡。渤海之
鱗。網罟曷窮。一代風雅。豈隻手所能收
哉。君第收所能收。其所不能者。更俟之
而已。君所取詩。大都主風骨。而評語渾
厚。出入六朝。予奪寄之言外。上下二百

年。間。歷。歷。若。指。掌。斯。其。用。心。固。已。勤。矣。
大雅君子自當從此知之。余言豈能以
相重哉。若君之綴余詩於集中。則誠用
為續貂者也。君諸體俱優。獨不喜作五
言。其七言絕。及長句。當次第傳之矣。
萬曆九年二月五日友人石星拱辰書
於樵漁所

刻明詩評語述

陳子智問於穆公曰。昔敖陶孫評漢魏以下諸詩。王
元美評我

朝百家詩。俱善惡直書。予奪互見。凜然有華衮鈇鉞
之榮辱。今讀公所評詩。顧獨有予而無奪。豈以二氏
為不足法。與蒙竊惑焉。穆公曰。子殆未諳於春秋之
法耳。昔宣尼作春秋。凡列國之君。若齊晉秦楚之雄
長。必並加譏貶。至於魯衛曹滕之小國。則有指其善
而褒之者。何也。蓋春秋固每責備賢者。而亦不掩人

善。故教王之論。乃春秋責備之法。而余則不掩人善之遺意耳。且明律無慮萬首。而余所取才十之一。餘皆置之。其取之者為予。置之者即奪也。又予辭之中。多以風霆河漢山川草木龍馬刀劍鳥獸虫魚為喻。喻有大小。則意有淺深。其大者亟予之也。小者微予之也。亟予為予。微予即奪也。子第在言外求之。當自解矣。惡得以余詞為盡予人乎。余聞公言。乃恍然如夢覺焉。又愛其評語精深奇麗。取材六朝。以古意發近調。猶之木難為珮。明月為璫。而南威西施。益為增

色矣。故既序其言。而併摘述其評語於前。以便觀者。其領聯若雷霆轉薄。激風迅疾。其中聯若蛾眉連卷。嫣然流眄。其全篇若竹花莫莫。桐葉離離。其諸詩俱如陽阿之舞。激楚結風。其若洪鐘靈鼓。其聲發越。其如魯仲連以布衣蕩然肆志。談說當世。其如烏獲扛鼎。舒徐自若。其如毛遂捧盤。歎血意勢雄奇。其若蒲梢之馬。飾以流蘇。文采軒然。其如蘇秦合從諸侯。指畫靡靡。其如鸞鶴魚麗。布勢聯絡。而敵不可乘。其如公子約六國。破秦軍于河上。不勞餘力。其灑如清風。

麗若春華。某有散髮重陰。抱杖清渠之意。某若綠草
萋萋。朱實離離。某如風外漁笛音韻飄渺。某想見劇
談戲論。扼腕抵掌之狀。某如秦師過周。免胄超乘。驕
氣勃勃。某若風颺電擊。某若華薄籠日。翠羽搖風。某
如飛廉煽吹。白羽失涼。某若振鷺飛鴻。頡頏雲漢。某
如乘風載響。音徽遠播。某如綠水連漪。荇葉田田。某
絕節高唱。非凡耳所賞。某如披雲看月。精輝自流。某
如虎嘯深谷。雞鳴高樹。某如西子解顏。萬夫婉變。某
如巨鰲吐波。氣成雲霧。某如丹藕凌波。的礫光明。某

如谷風乘條。氤氳俄布。某有八極寸眸。萬物一指之
意。某如朗笛吐音。響流月夜。某如塵起朱輪。風生細
幘。乃詩中貴遊也。某如飛繳高雲。翻然下鳥。某若翡
翠錯飾。艷竒絕世。某羊左微烈。可為想慕。某如明月
珠旗。干將雄戟。觀者生色。某道文麗藻。可掩前輩。某
如星流電擊。迅疾無前。某如八龍婉婉。雲旗委移。某
如渤澥孟諸。平吞雲夢。某如秋風嫋嫋。洞庭葉下。某
如走丸索上。巧捷駭人。某如沅芷澧蘭。幽芳襲人。某
如春林舒葉。嬌鳥群飛。某如垓下合圍。楚歌四發。某

文藻翩翩。縱橫如飛。某如玉樹臨風。菁葱可愛。某如健翮凌風。急疾無前。某如萬騎屯營。殺氣纏空。某丹脣妙聲。皓齒哀音。某如蚩尤帶劍。猛氣無前。某動脣有曲。發口成音。某若伯牙鼓瑟。仰駟馬而舞玄鶴。某逸氣奮涌。繽紛交錯。某若離若合。將絕復續。某英風爽氣。蹴蹋山川。某若臯蘭猗靡。修竹嬋娟。某有扛鼎揭旗。射隼繳風之雄。某有飛遯離俗。巖居谷飲之意。某若花雜柔荑。鶯亂錦羽。芳菁可愛。某有沉鬱澹雅之思。某若絕景追風之騎。步驟駭人。某若鴻翥鳧沒。

迅疾不逮。某髮髯若輕雲蔽月。飄飄若流風迴雪。某若鯉躍晴波。鳥鳴春谷。某如陽侯駕波。飛濤萬里。某若甲冑明光。赫然耀日。某若睹大木龍燭之照。則棘林螢曜失光。某若長袖隨風。悲歌入雲。某若文縠輕綺。飄飄隨風。某有左抱浮丘。右拍洪崖之意。某若南威西施。睇眄流光。某若赤城起霞。石梁飛瀑。某有闔雞東郊。走馬長楸之氣。某說破騰丹谿。駕雲螭之妄。某若猛虎嘯而谷風起。某若萋萋織草。落落長松。某有揮袂生風。吐氣成虹之意。某若珠閣玲瓏。玉堂陰

映。其蘭心蕙質。玉貌絳脣。其如身處方壺。下視培塿。
 不勝眇小。其如長鯨吞舟。修鯢吐浪。其有飲馬河源。
 遊目崑崙之意。其若鼇首冠山。鵬翼垂雲。其如吳札
 觀樂。品藻從容。其魁岸竒傑。其若崇山崩起。長虹舒
 宛。其興致若俠客翩翩。飛觴舉白。其若陽暴譁之態。其
 如春霆發響。螭虫競飛。其如寒谷吹律。煖風油油。其
 有沐猴棘刺之巧。其有洗兵海島。刷馬江洲之意。其
 如颶風起海。鯨浪蹴天。其如日出龍宮。光動珠璣。其
 如海榴過雨。露意籠霞。其如錦帶吳鈎。俠氣翩翩。其

如金谷三月。萬卉蒸霞。其如雲屯高嶺。風涌飛流。其
 如飛黃振鬣。萬馬奔馳。其如秋泉晝鳴。哀猿夜響。其
 如騰駕蜚魚。超歷寰海。其如任公子為大釣。蹲會稽
 投東海。其所得魚亦大。其如丹崖綠水。澹然有味。其
 如雲日輝映。水月澄鮮。其有邴生自修。薄于遊宦之
 意。其勇士剽捷。手接飛猱。其如玄豹隱霧。文彩自殊。
 其如清川含藻。高岸被華。其如丹梯百丈。高入雲霧。
 其藹如慶雲。冷若清飈。其如野棠未落。山桃欲開。其
 如和風飛響。鮮雲垂蔭。其如黃鵠摩天。羽翮難近。其

老層峯指天。高城積雉。某若豪士擊鞠。巧捷百出。某如秋蘭被坂。朱華冒池。某如花館流波。豁達來風。某如月出石渠。芙蓉散華。某如綠池淡淡。青柳依依。某如龍騰虎變。蔚然成采。某如烈烈悲風。泠泠澗水。某有鸞繁弱。揮龍淵。吞滅胡虜之意。某若雲旗離離。玉鑣嚶嚶。某若微雨新晴。六合霽朗。某有頓足起舞。抗音高歌之狀。其他散語。不能悉錄也。余小子以筆札遨遊海內。年來倦遊客。公逍遙園。目睹公負氣高爽。宅心平恕。日惟耽嗜文詞。坐起一編。故其筆端雖極縱橫。而立論終不涉於刻深。真足為千古論人之法。讀其語。即可想見其人矣。余小子曷足為公捧掬土哉。中亦有石公批穆公詩數條。竝錄之。

讀其詩明可慰其入其余小子自出以公卷四
繼黃而立論然不泯其故其真只為千古論人之去

批點明詩七言律姓氏

卷一

高啓 四首

劉基 一首

袁凱 二首

汪廣洋 四首

張以寧 二首

林鴻 二首

浦源 三首

王禕 一首

林弼 一首

韓守益 一首

倪瓚 二首

吳志淳 二首

趙迪 四首

郭奎 二首

劉仔肩 一首

沈夢麟 一首

華幼武 二首

解縉 二首

姚廣孝 二首

王偁 二首

高棅 四首

曾際七首

王恭六首

王紱二首

謝復古一首

徐有貞一首

張和一首

陳音一首

李東陽五首

石瑤一首

莊昶一首

以上三十一人共得詩七十一首

卷二

顧璘十五首

王九思三首

邊貢十七首

王守仁十一首

王廷相三首

康海三首

鄭善夫十二首

孟洋七首

殷雲霄三首

杭濟三首

熊卓二首

唐寅一首

徐禎卿八首

唐龍一首

桑悅二首

李麟一首

沈周五首

以上二十七人共得詩九十七首

卷三

李夢陽七十一首

薛蕙一首

朱豹一首

段金一首

黃省曾二首

戴冠二首

黃佐一首

陳沂四首

楊慎二首

張含二首

蔡羽二首

以上一十一人共得詩八十九首

卷四

何景明 六十三首 孫一元 三十三首 史明古 二首

睦樛 三首 汪沂 一首 以上五人共詩一百首

卷五

徐相公 三首 尹臺 二首 孫陞 二首

王維禎 十首 嚴嵩 三首 羅洪先 二首

唐順之 四首 許穀 二首 蔡汝楠 二十三首

高叔嗣 四首 莫如忠 二首 駱翰編 二首

方攸躋 二首 包節 四首 王問 四首

文徵明 四首 楊繼盛 一首 沈練 一首

皇甫孝 一首 皇甫汈 五首 李時行 六首

曹大同 二首 施漸 二首 徐渭 三首

以上二十四人共得詩九十三首

卷六

潘恩 二首 蘇祐 二首 呂時中 四首

顧存仁 二首 屠應峻 二首 吳維嶽 二首

朱曰藩 三首 喬世寧 四首 謝少南 四首

同寺三言律姓名

二

余應舉 五首

王叔杲 二首

姚汝循 二首

王廷陳 三首

方新 六首

郜永春 二首

劉鳳 二首

魏學禮 二首

李元昭 三首

高應冕 五首

許邦才 二首

何良俊 二首

王寵 四首

王懋明 二首

葉芳世 二首

羅應齡 二首

張之象 六首

鄭坤 七首

陳東川 二首

趙完璧 十三首

趙慎修 十三首

以上三十人共得詩一百一十二首

卷七

張少師 二首

汪道昆 八首

李先芳 十七首

宗臣 十三首

孔天胤 一首

王慎中 一首

袁袞 一首

李言恭 六首

萬表 一首

吳子孝 一首

梁有譽 八首

黃姬水 二首

盧枏 四首

謝榛 十七首

朱察卿 一首

沈明臣 一首

陸弼 二首

陳鳳 四首

閻立 二首

以上十九人共得詩九十二首

卷八

李攀龍 八十首

王崇古 一首

諸大綬 一首

陳宗虞 二首

俞憲 一首

郭崇嗣 一首

李齊芳 一首

蔡可教 一首

蔡可賢 一首

侯一元 一首

李文麟 一首

蘇濂 一首

洪孝先 二首

呂時臣 一首

王承父 四首

張獻翼 三首

莫雲卿 二首

汪言臣 一首

以上一十七人共得詩一百四首

卷九

王世貞 七十五首

王世懋 二十五首

孫應鰲 一首

龔秉德 三首

周大球 四首

曹昌先 二首

顧聖 一首

楊于廷 二首

傅光宅 二首

黃鶴 二首

以上十人共得詩一百一十七首

卷十

吳國倫 三十四首

張佳胤 十七首

徐中行 三十首

方逢時 八首

黎民表 七首

沈愷 四首

歐大任 五首

王穉登 二首

鄔佐卿 一首

安紹芳 一首

唐詩 二首

以上一十一人共得詩一百一十一首

卷十

趙康王 二首

潘宣王 三首

鎮康王 五首

潘王 三首

保定王 三首

沁水王 四首

慶成王 四首

白夏 三首

以上八人共得詩廿七首

卷十一

徐學謨 九首

張鹵 八首

張九一 三十四首

石星 八首

趙國壁 四首

方沅 三首

魏凡中 一首

劉懷恕 二首

陳知玄 二首

陳知占 三首

彭光祖 二首

李英 二首

閻孟淑卿 一首

陳氏 三首

楊氏 一首

羽士盧大雅 二首

釋來復 一首

釋夢觀 六首

釋明秀 三首

釋果斌 二首

以上二十人共得詩九十七首

卷十二

穆文熙 一百三十五首

以上一人得詩一百三十五首

批點明詩七言律姓名

批點明詩七言律卷一

養安院藏書

東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

高啓

字季迪號青丘生長洲人洪武間官戶部侍郎

賦得寒山寺送別

起。塔中燈照遠。僧歸漁村寂。寂孤煙近官路。蕭蕭衆
楓橋西望碧山微。寺對寒江獨掩扉。船裏鐘催行客。

穆子曰高
楊張徐在
國初稱四
才子然高
詩奇拔爽
朗可並唐
之蕤許云

三氏蓋弗如也

葉稀須記姑蘇城外酒烏啼時候與君違。

送鄰僧澹雲歸笠澤

往來海上獨離群。雅稱身名是澹雲。經院葉深秋講散。香臺鳥下午齋分。坐間山偈曾同說。別後鄰鐘不共聞。笠澤到時尋舊業。菱池漠漠雨紛紛。

晚登南岡望都邑宮闕

落日登高望帝畿。龍蟠山下見龍飛。雲霄雙闕開黃道。煙樹三宮接翠微。沙苑馬閒秋獵罷。天街車響晚朝歸。明朝欲獻昇平頌。還逐仙班入瑣闈。

寄題安慶城樓

層構初成百戰終。憑高應喜楚氛空。山隨粉堞連雲起。江引清淮與海通。遠客帆檣秋水外。殘兵鼓角夕陽中。時清莫問英雄事。回首長煙滅去鴻。

劉基

字伯溫青田人洪武初官學士贈太師封誠

次李子庚韻

風落餘花春事非。愁心煙雨共霏霏。溪雲不作從龍起。山石何須學燕飛。籬下舊存彭澤菊。林間新長首陽薇。夜闌忽漫聞啼鳥。腸斷天涯信使稀。

劉公詩如
乘風載響
音微遠播

袁凱

字景文華亭人洪武中以聘為御史有白燕詩贈多人人口人謂之袁白燕

白燕

袁詩雖以白燕得名而諸詩尤佳於白燕

故國飄零事已非。舊時王謝見應稀。月明秋水初無影。雪滿梁園尚未歸。柳絮池塘香入夢。梨花庭院冷侵衣。趙家姊妹多相忌。莫向昭陽殿裏飛。

張叔溫諸公攜酒至泖濱明日作此奉謝

八月風高鴻鴈飛。三江潮落蟹螯肥。已拚白髮如秋水。不厭清尊共夕暉。氛祲遠連豺虎窟。波濤晴見芟荷衣。楊雄舊宅城東住。騎馬歸來月滿扉。

汪廣洋

字朝宗高郵州人洪武初官行省中書封伯

別劉希敬

與君同理揚州棹。卧看長天入翠微。何事杜陵傷遠別。不如范蠡賦東歸。春風小店梨花發。宿雨疎林燕子飛。惆悵臨溪一杯酒。鑿江江上日暉暉。

題鐘山勝景應

制

北山佳氣鬱葱葱。高處深藏七佛宮。松下鷓鴣眠無客。到洞中龍出有雲從。茶煎紫筍逢支遁。藥煉丹砂羨葛洪。更欲躡鳧凌絕巘。扶搖大塊鼓雄風。

汪詩高朗有攸構思頗覺不苦

諸詩如春
林舒葉嬌
鳥羣飛

過故翰林李慨之天心水面亭遺址

供奉歸來足浪遊。大明湖上貯清秋。十千美酒傾山
雨。半百閒身對海鷗。水面風生楊柳岸。天心月過藕
花洲。自從爛醉吹簫去。誰解臨亭汎夕流。

泊舟左蠡寺

鳴鴈噦噦集野田。白沙如雪照行船。秋風一阻經三
日。客子重遊已二年。左蠡碧流煙雨外。匡山青落酒
杯前。空林老衲猶思治。解說王師奏凱旋。

張以寧

字志道號翠屏閩之古田人洪武初官學士

峽山僧慧愚溪邀觀壁間舊題因誦宋廖知縣

一律有云猿棄玉環歸後洞犀拖金鎖占前灣

予謂其切實類唐許渾賦以繼之

一詩如健
翻凌風急
疾無前

瘴嶺風煙勢漸開。喜尋筇竹步莓苔。江環列嶂天中
起。峽岸流泉地底迴。靈鷲飛來蒼磴老。怪猿啼去白
雲哀。軒轅帝子應猶在。為奠南華茗一杯。

秋登九江廟晚眺

黃花開後葉初霜。紫蟹肥時酒滿缸。羈旅已知浮世
淡。登臨未覺壯心降。天垂去鳥低平楚。水學驚蛇到

大荒目極孤雲鄉思亂煙波空想白鷗雙

林鴻 字子羽閩人洪武初官負外

春日遊東苑應制

林負外自負良高晚與浦舍人結社愈詰妙境兩人皆詩家俊豪也

長樂鐘鳴玉殿開千官步輦出蓬萊已教旭日催龍馭更借春流泛羽杯堤柳欲眠鶯喚起宮花乍落鳥銜來宸遊好把簫韶奏京國于今有鳳臺

賦得垂楊送客

客路垂楊最有情暖風吹綠漸冥冥雨深煬帝宮前見月白桓伊笛裏聽葉暗未堪蔽乳燕花飛終恨促

浮萍分攜欲折長條贈愁絕河橋酒幔青

浦源 字長源號東海無錫人洪武中官晉府舍人

送人還鄉

都門楊柳拂離筵歸路青山水國連三月春陰垂細雨幾家寒食起新煙聽鶯谷口停行蓋立馬江頭問渡船此去故園應酒熟杏花開徧草堂前

送人之荆門

長江風颺布帆輕西入荆門感客情三國已亡遺舊壘幾家猶在住荒城雲邊路繞巴山色樹裏河流漢

諸詩如丹藕凌波的礫光明

水聲若過旗亭多取醉。不須弔古謾題名。

寄袁二

長安年少羽林郎。騎射唯能事武皇。弓影醉開孤月滿。刀頭新買百金粧。聽雞曉闕踈星白。走馬春郊細柳黃。應募玉門關外去。請纓生繫左賢王。

王禕

字子充。義烏人。洪武初官待詔。贈學士。謚忠文。

吳江客中冬至日

十年奔走竟何為。轉覺謀生事事非。時序每驚愁裏換。家山長向夢中歸。吳江歲晚寒波積。楚塞天遥鴻

情事凄此

鴈稀。酒後登樓倍惆悵。緇塵猶滿舊征衣。

林弼

一名唐臣。字元凱。號梅雲道人。閩之龍溪人。洪武中聘官知府。

送豐城盧仲霄之會寧主簿

隴樹青青河水黃。獨騎官馬入秦疆。七千里外思親舍。五色雲中望帝鄉。沙草枯時收黑黍。地蕉香處煮黃羊。訟庭事簡邊塵息。竹屋看書對日長。

韓守益

字仲修。號樗壽石。首人。洪武間官中允。

宜都一覽樓

層臺飛構壯宜都。雲影天光入畫圖。千里鶯花連隴

中聯雄
麗

倪詩如谷
風乘條氤
氲自布

蜀。一江風浪接荆吳。煙霏山色時濃淡。雨雜灘聲自
有無。幾度憑欄倍惆悵。白雲飛處寸心孤。

倪瓚

字元鎮號雲林無錫人洪武初隱士

贈別以道書記

一笑相逢豈有期。因懷西崦話移時。李公祠畔空餘
月。陸子泉頭舊有詩。旅思悽悽非中酒。人情落落似
殘棋。雲濤眼底三生夢。鷗影秋汀又遠離。

東林隱所次韻

巖扉桃李晝陰陰。耕鑿居人有遠心。一夜池塘春草

綠。孤村風雨落花深。不嗔野老群爭席。時看遊魚出
聽琴。白髮多情陸徵士。松間石上續幽吟。

吳志淳

字主一無為州人洪武初隱士

丹丘黃太中持諸友贈言來問松法將歸賦餞
兼簡元微司馬牧隱上人一首

千里擔簦走朔風。脫冠接語恨匆匆。却聞作客依劉
表。莫說從師得馬融。山路逢梅寒載酒。晴江待月夜
歸篷。將詩為問黃司馬。茅屋還過訪已公。

題龔用德遊息軒

湖海歸來興已闌。蕭然一室且安閒。杖藜有約同臨水。隱几無心獨看山。萬頃湖光明月上。半窓清影白雲還。雨花祇在藤蘿外。百丈丹梯豈待攀。

趙迪

字景哲。號鳴秋。閩人。洪武初隱士。

送陳則彝歸清漳

憐君千里遠從師。未久相逢又解携。粵地青山江上別。北溪流水夢中思。客懷葉落啼猿後。人去霜寒斷鴈時。遙想春風芳草綠。釣龍臺下與君期。

擬和唐人勅借岐王九成宮避暑

鑾輿遙幸醴泉宮。深入煙蘿翠幾重。雲掩畫屏迎舞袖。風清水殿動歌鐘。飛花香度樓前幙。高柳涼生仗外峯。自是此中多勝槩。群仙何處更相逢。

題螺洲林公魯小景

茅屋松扉水畔村。居人殊勝武陵源。草深行逕迷歸路。花落春潮自到門。石上暝琴期宿客。林間微月動清猿。不知何處謝端宅。淒絕空江螺女魂。

擬和唐人送長沙李少府入蜀

離筵歌管雜青絲。萬里分攜使我悲。芳草流年華髮

趙詩工緻而深沈有調

變清尊何日故人期。巫陽夜冷啼猿近。蜀道天寒候
火遲。應過武侯祠。屋畔錦江秋水更相思。

郭奎

字子章。巢邑人。洪武中履歷未考。

秋興二首

二詩氣厚
語壯

月下清砧響夜闌。征人不寐憶長安。霧迷南國遊魂
泣。草沒中原戰骨寒。直望明河臨象闕。誰霑零露捧
金盤。斗牛關塞無家別。仗策猶悲行路難。

露氣淒涼草木衰。倚樓看鏡不勝悲。秦王警蹕瞻天
遠。漢武旌旗出塞遲。泣國再逢南鴈信。鄉關徒倚北

風思。那知人事同搖落。醉裏狂歌九辯詞。

劉仔肩

字汝弼。番陽人。洪武初履歷未考。

荆南江晚眺有感

劉詩若
綠葉萋
萋朱實
離離

沙頭寂寂晚維舟。詞客重來感舊遊。江上夕陽諸葛
廟。雨中芳草仲宣樓。天連錦水來春色。雲暗襄陵起
暮愁。回首可憐梁父意。一官牢落向南州。

沈夢麟

字元昭。湖州人。洪武初隱士。

賦得浙江亭送張別駕

浙水秋風日夜哀。獨憐亭子倚江開。百年玉氣從龍

去。八月潮聲帶鴈來。吳越兵戈沙上語。江山風景掌中杯。不知別駕登臨後。載得書郵幾日迴。

華幼武

字彥清無錫人洪武間隱士

上徐相國

王師赫赫來江澗。十五降城總望風。海內已歸新聖主。幄中今見舊元戎。經綸大業千年事。竹帛高名一代功。佐理清朝均雨露。蒼生歌舞樂年豐。

寒食感懷

寒食維舟江上村。臨風西望黯銷魂。花將春色歸流

丘隴句似俗自寒食事無妨

水。雲繫愁心入故園。丘隴不知誰灑掃。藤蘿應復自

滋蕃。衰年尚作無家客。只合當時住鹿門。

解縉

字大紳吉水人永樂間官學士

藤縣即事

繡水東來古鬱江。古藤城郭鎮南邦。山雲橋度飛虹並。江月樓空乳燕雙。晴日鶯花紅錦帳。春風煙樹碧油幢。吹簫喚起蛟龍舞。金鴨焚香倒玉缸。

贈翰林劉編脩歸娶

少年歸娶奏金鑾。喜得天顏一笑看。紅錦裁雲朝

解詩如塵起朱輪風生細憶乃詩中貴游也

領聯奇警尾聯

頗涉調弄

姚詩如巨鰲吐波氣成雲霧

奠鴈紫簫吹月夜乘鸞靈椿堂上承中饋寶鏡臺前
結合權從此梅花消息好青綾不似玉堂寒。

姚廣孝

法名道衍吳郡相城人永樂中官少師

題觀音巖

高閣凌空如履地長江萬里來無際世人可到不可
留只許禪僧深夏住亂帆來往逐雲飛隔岸淮山擁
翠微大士巖間常宴坐一燈夜照客船歸。

題平坡寺

平坡杳杳挹西湖徑斷樵行敗葉鋪泉落石河深愈

急雲歸沙樹遠疑無夜堂風靜紆帷幔曉井霜寒響
轆轤那得餘生辭世網捲衣來此日跣跣

王偁

字孟揚閩人永樂間官檢討

山中送陳生歸海上

王詩從容典麗得風人體裁

洞口花飛春欲闌玉缸攜酒送君還三年厭見天涯
月千里歸尋海上山壯志功名看髮變浮雲世事與
心閒要知別後相思意萬壑松濤嬾閉關

憑祥道中遇元夕有懷

曾向蓬萊捧壽觴良宵湛露沐恩光鳳笙曲奏梨園

譜鰲背燈開火樹芳。往事別來傷旅恨。流年老去在
他鄉。夷歌蠻舞誰能解。馬上看山夜未央。

高棟

字廷禮三山人永樂間官翰林典籍

擬蘇許公頽侍宴安樂公主新宅應制

飛構雲邊帝子家。宸遊天上駐香車。玉杯春醉平陽
館。銀漢秋行博望槎。萬朶仙花迎日吐。千條弱柳向
風斜。皇情愛物歡無極。能使群心戀翠華。

擬岑補闕參奉和早朝大明宮之作

明光漏盡曉寒催。長樂疎鐘度鳳臺。月隱禁城雙闕

迥。雲迎仙仗九重開。旌旗半掩天河落。閭闔平分曙
色來。朝罷珮聲花外轉。回看佳氣滿蓬萊。

擬崔司勳顥登黃鶴樓

武昌樓下白雲飛。黃鶴何年去不歸。千古登臨悲故
國。空餘陳迹弔斜暉。清川雨散巴山出。大澤天寒楚
樹微。久客他鄉搖落暮。秦關回首淚沾衣。

擬高常侍適送王李二少府貶衡巫

曉鐘寒亮鴈聲哀。候館鳴雞曙色催。兩地送君雙別
淚。西風駐馬一銜杯。巴山落月啼猿斷。楚水孤帆暮

廷禮集唐
詩品彙有
功詩教大
是風斤之
手

雨來莫怨異鄉成久隔漢庭還憶賈生才。

曾棨

字子啓永豐人永樂二年狀元官少詹事兼學士

海子橋

曾詩富於才情湧瀉如泉在文廟時可謂獨步

鯨海遙通一水長。滄波深處石為梁。平鋪碧甃連馳道。倒瀉銀河入苑牆。晴綠乍添垂柳色。春流時泛落花香。微茫迥隔蓬萊島。不放飛塵入建章。

冬日扈從獵龍山同遊牛首佛窟寺和胡學士

數聲清磬遠微微。始覺塵踪到此稀。僧向定時聞葉落。客從坐處見雲歸。佛居華藏那營窟。心會真乘即

悟機。賜得宮袍新製錦。未應還羨五銖衣。

盧溝曉月

渺渺平沙接遠堤。一川殘月石梁西。光連古戍迷鴻影。寒逐清霜入馬蹄。雲淡漸隨銀漢沒。煙空微映玉繩低。經過曾此陪仙蹕。兩度停驂聽曉雞。

送僧還天台

赤城霞彩動晨暉。海上千峯合翠微。身逐片雲飛錫去。心隨流水泛杯歸。經翻貝葉龍能聽。松偃珠林鶴自飛。想得蒲團趺坐處。天花散落五銖衣。

送陳郎中重使西域一首

重宣恩詔向窮邊。蕃落依稀似昔年。首長拜迎張繡
纈。羌姬歌舞散金錢。葡萄夜醉氍毹月。騾裹晨嘶首
着煙。百寶嵌刀珠飾鞞。部人知是漢張騫。

繡纈金錢
乃夷中故事

寄趙公復

江上梅花映酒卮。別來還憶十年時。銀床碧水陳遵
轄。玉筍青山謝眺詩。湖海舊遊心尚在。風霜暮景髮
先衰。兩京迢遞書難寄。况未逢秋鴈到遲。

五月六日賜觀西湖

玉珂龍影出長楸。詔許西湖攬轡遊。雲氣連山常帶
雨。風聲度壑迥疑秋。樹含飛翠沾衣濕。泉作垂虹遶
澗流。中使淹留歸向晚。水紋輕漾採蓮舟。

王恭

字安仲。閩中新寧人。永樂間聘文淵閣纂修

賦得白鴈送人之金陵

王詩工而有調乃潛心於風雅者

燕山榆葉望秋稀。雪羽蕭蕭向楚微。夜雨蘆花看不
定。夕陽楓樹見初飛。影隨漢騎營邊落。夢繞胡兒笛
裏歸。君到石城霜漸冷。暮雲聲斷欲沾衣。

送林彥實之淮上省兄

斗酒何煩惜路岐。此行偏感鵲鴒詩。青山野店淮南暮。孤棹微鐘雪後時。猿斷曉關驚落葉。鴻飛滄海憶連枝。十年官冷英山下。幾度看雲悵別離。

題玉融鄭可久遊建溪卷

谷口閒耕歲不豐。煙波何處寄行蹤。孤舟夜泊罈津渡。九曲朝看玉女峯。殘葉市橋溪上酒。夕陽蕭寺鳥邊鐘。遠遊知有懷親夢。應到鄉山第幾重。

寄玉融鄭三秀才

空齋病起怯秋聲。無那啼鴉向夕鳴。涼雨一天孤燭

夜。斷鴻千里故人情。寒花浥露江籬白。獨樹含霜瘴海清。遙羨勝遊多上日。瑞巖僧舍喜逢迎。

為林中洲題馬圖

漢家神驥出宛西。鳳臆蘭筋破月題。冀北空來知汗血。長楊獵罷見霜蹄。青絲引轡穿花入。黃帕蒙鞍對御嘶。莫道時平淹棧豆。飛騰思與六龍齊。

次陳九狂客西巖見寄之作

黃金沙界接岩堦。鐘磬微微下九霄。禪榻鳥啼殘雨過。香臺經盡落花飄。心持半偈緣應淺。身寄迷途恨

獨遙堪笑此生何住着。期若天路遠相邀。

王紱 字孟端無錫人永樂間官中書

月夜過瞿塘

中聯如明月珠旗干將雄戟觀者生色

瞿塘灩澦足風波。一葉官航抵暮過。峽盡頓看江路潤。山開尤喜月明多。圖分八陣石猶在。柱鎖重關鐵未磨。惆悵英雄俱已矣。令人千古獨悲歌。

登劍臺望京華

一上高臺首重回。五雲何處是蓬萊。帆隨鴈影天邊去。人共春光日下來。淮甸煙銷平似掌。河流水泮碧

於苔翠華行幸應非遠。佳氣氤氳繞上台。

謝復古 閩之安福人永樂中隱士

擬唐人長安春望

南山晴望鬱嵯峨。上路春香玉輦過。天近帝城雙闕迥。日臨仙仗五雲多。鶯聲盡入新豐樹。柳色遙分太液波。漢主離宮三十六。樓臺處處起笙歌。

徐有貞 字元之蘇州人正統間尚書兼大學士封武功伯

登獅子山

麥黃天氣爽如秋。乘興聊為崖壑遊。香徑踏花來洞

口。小舟送酒過溪頭。橫塘樹色連龍塢。茂苑煙光接
虎丘。絕勝竹林觴詠處。即今誰數晉風流。

張和 字節之號篠菴崑山人正統間官庶憲

南山清隱為宣城湛銓作

遁跡甘從鹿逐群。南山深處隔囂氛。屋前流水連青
嶂。堦下寒松護白雲。栗里自芻元亮酒。草堂不辱稭
珪文。紛紛車馬塵中客。高節能無愧隱君。

陳音 字師召號愧齋莆田人天順甲申進士官侍
講學士終南太常寺卿

重九會白雲觀分韻得然字

幽致種種
可想行徑

往聞前輩
譚也罷先
儒則嘆以

為有古人
之風今於
昔孫知占
處得其詩
亡百讀之則
又鏗然大
雅也

長春宮殿鎖寒煙。駐馬斜陽錦樹邊。白鶴不歸雲影
外。黃花仍發酒盃前。龍山又落參軍帽。藍水長歌子
美篇。聚散幾回時序別。令人對此一茫然。

李東陽 字賓之號西涯茶陵人家京都天順甲申
進士官少師謚文正

西山禱詩

李公才情
無美於何
李有倡始
功大是唐
之燕許

路遶山根斷復連。亂藤深竹寺門前。貧憐白屋蒸藜
餉。倦愛清溪枕石眠。載酒欲倍狂客醉。留詩聊結野
僧緣。深山六月無炎暑。一榻清風萬樹蟬。

古劍次韻

望斗樓空紫氣高。古來神物待人豪。化龍浪說歸閩水。斬馬誰能借漢曹。海內書生輕學武。山中良冶半為陶。千金不買公孫舞。猶恐書成損鬢毛。

用韻自慰

門掩空堂一客無。雨聲驚夢若相呼。眼中道路非前日。病起形骸是故吾。翰苑朝回懷祕省。洞庭家在隔重湖。繩牀竹几將愁坐。自寫新詩到日晡。

寄彭民望

斫地哀歌興未闌。歸來長鋏尚須彈。秋風布褐衣猶

讀至中聯
魚不令人驚
短夜雨。二湖夢亦寒。木葉下時驚。歲晚人情閱。盡見交難。長安旅食淹留地。慚愧先生苜蓿盤。

盧溝曉月

霜落桑乾水未枯。曉空雲盡月輪孤。一林燈影稀。還見十里川光澹。欲無不斷鄰雞催。短夢頻來征馬識。長途石欄橋畔時。翹首咫尺清虛是。帝都。

石瑤

字邦彥。藁城人。成化丁未進士官大學士。謚文隱。

早朝追和匏老韻

蓬萊宮闕玉為橋。曳履年年侍早朝。鑪靄着衣如過

雨御溝。搖月欲生潮。未排閭闔心猶壯。纔望金莖渴已消。奏罷從容過東觀。五雲隱隱聽笙簫。

莊杲

字孔陽。號定山。江浦人。成化丙戌進士。由庶吉士。改南監。封郎中。

節婦

二十夫君棄妾身。諸郎痴小舅姑貧。自傷薄命同衰葉。不掃蛾眉嫁別人。化石未成猶有淚。舞鸞雖在不驚塵。鎖窓獨對東風樹。歲歲花開任自春。

孔陽詩其
他近俚惟
節婦一首
後二聯可
泣鬼神

批點明詩七言律卷一

批點明詩七言律卷二

東明穆文熙敬甫批選

石 星拱辰閱正

長洲知縣劉懷恕校刊

莆田陳知古繕書

顧璘

字華玉。號東橋。吳郡人家。金陵弘治丙辰進士。官南刑部尚書。

述謝陳亮之邦伯時自廣平被召一首

四馬今為赴闕行。腐儒初荷一官城。圖書向客翻多。累城郭經年自有情。隅地桑麻歸昨夢。訟庭槐柳識

顧公吳中
才子有知
人鑒為當
時風雅主
盟詩亦奇
古不俗

平生堪憐少小逢 明主未有前朝卓茂名

卧病寄錢元抑

潘岳愁多病不禁 南樓高枕獨長吟 懷人更度西風節 望遠徒傷故國心 芳草捲簾空暮色 亂山回首正秋陰 遙憐積雨凋新稼 歲計應資賣賦金

送鄭繼之歸鑿峯

四月燕山雨雪寒 省郎多病復辭官 路經海上三神島 興在仙人九轉丹 玉洞桃花留笑靨 滄江秋水濕漁竿 爾家谷口空長往 安石東山望未闌

春日遊永慶寺

城郭晴光蕩客車 古巖高寺切青虛 鶯花不斷人天界 龍象長依水竹居 雲裏壺觴吞海色 山中風物似秦餘 靈踪咫尺長難到 莫怪歸遲月滿衢

送伍中丞還石首

拂袖金門不可招 中丞清節楚山高 西江義旅雙龍劍 南國干城一豸袍 九鼎銘功葺石室 孤舟垂釣入雲濤 丈夫出處俱無忝 銀漢遙瞻彩鳳毛

登清涼寺後西塞山亭四首

中二聯敘事 直切語不着相

四首登眺
中有感慨
種皆實
境也大有工
部風骨

霄漢秋高煙霧開。舊京西望一登臺。皇居迥映鍾
陵起。海水遙吞鵲鎮來。半嶺顛風頻落帽。孤亭斜日
更啣盃。乾坤轉盼皆陳跡。况復浮生白髮催。
晚上高亭對落暉。萬山寒翠濕秋衣。江流一道杯中
馮。雲樹千門鳥外微。古寺頻來僧盡老。重陽欲近蟹
爭肥。霜楓惡作蕭條色。故弄殘紅繞客飛。
山閣難禁宋玉悲。六朝遺恨滿殘碑。青山自擁蟠龍
勢。玉樹空傳落燕詞。寒節授衣傷老大。醉鄉隨錘愧
支離。歌筵舞妓非前代。文采風流又一時。

劍化人亡有故城。東來海氣帶龍腥。煙花樓閣三千
界。錦繡河山百二形。老托神京堪自隱。醉眠秋澗不
知醒。長江只在朱闌外。莫遣哀歌動杳冥。

沛上懷古

漢祖還鄉歌大風。高臺提劍氣成虹。關西老父三章
約。垓下河山百戰功。祇見枌榆生故社。屢聞雞犬變
新豐。經過又是高陽侶。醉折桃花薦酒紅。

徐君叔宅與諸君懸燈賞梨花

銀燭高懸玉樹寒。素花流影晃朱闌。驚看月出層柯

日言七言律卷二
裏惡說風吹。一片殘絃管橫。催春爛熳房櫳斜。見色檀欒。明朝此樂知難續。莫惜殷勤醉後看。

孟中丞命酒息園集諸文士賦一首。

山人避俗野園開。憲府邀懽載酒來。浮杯豈讓山陰會。授簡還徵郢下才。暫遣閒雲依綬冕。更呼明月照池臺。錦筵爛熳唯須飲。盡燭闌珊未擬回。

元夕

上元佳節在山城。逝水流年忽自驚。燈火殊方同節候。歌鐘何處起春聲。衰殘斷酒江梅笑。飄泊懷鄉鬢

雪生。四海幸逢陽道泰。官曹端坐咏昇平。

擬宮怨二首

翠靨金蟬入內家。擬將新寵屬鉛華。君王自信圖中貌。靜女虛迎夢裏車。帳殿秋陰生角枕。麝廊空響聽琵琶。含情獨倚朱闌暮。滿院微風動落花。

漢皇宮殿月明時。曾侍宸遊百子池。舞馬登牀春進酒。盤龍銜燭夜觀碁。御前卻輦言無思。衆裏當熊死不辭。舊恨飄零同落葉。春風空遶萬年枝。

王九思

字敬夫。號羨陂。鄆縣人。弘治丙辰進士。以檢討改吏部。

二首如竹
花莫莫桐
葉離離

敬夫工於小詞而詩亦

不落元宋體頗謂無

才惜乎遊春一記自遠

風雅也

無題

寂寞西風翡翠樓。黃昏斜抱玉篴篴。彩鸞影逐秦簫。斷紅葉。新隨御水流。天外行雲難入夢。手中團扇易驚秋。愁來只恐嫦娥笑。明月踈簾不上鉤。

十四夜月與李二獻吉飲

萬戶秋風砧杵哀。殊鄉今夕故人來。竹間涼露蕭蕭下。樓上浮煙細細迴。地僻柴門無過客。家貧樽酒有餘杯。踈簾碧簟須同醉。明月青天為爾開。

秋興一首

秋風昔伴逐臣回。此日逢秋意轉哀。貝錦有言讒巷伯。黃金無夢到燕臺。土階步月青藜杖。草閣看花濁酒盃。垂老光陰吾願足。補天自有出群才。

邊貢

字廷實號華泉山東歷城人弘治丙辰進士官南戶部尚書

送柴廷相少尹之無錫

北客南行路幾何。宦情鄉思渺煙波。舟中暮雪經吳苑。江上春衣試越羅。懷遠漫愁山閣迥。課耕應愛水田多。十年舊事悲重省。休對青松賦女蘿。

蔣山次韻

邊詩清婉流暢朗朗有致酷似右丞又似大復

病起尋芳郭外遊。漢人祠廟蔣山頭。千盤鳥道緣雲轉。五色龍江抱日流。隔浦迴看帆窅窅。步林時聽鹿呦呦。松阡積雨莎如鏃。不有桃花宛是秋。

春日有懷空同李子

南中數枉故人書。北上蹉跎信轉疎。四海酒盃形影外。十年詩草夢魂餘。藏身笑我同方朔。作賦憐君過子虛。春入吹臺芳草徧。塔雲樓月近何如。

次韻寄劉銅仁

地闊天長奈爾何。春風門巷少經過。遙憐白髮星星短。無那風塵日日多。懷舊獨吟平子賦。感時偏憶少陵歌。江村細雨蘼蕪長。是處扁舟有釣蓑。

除夕卧病柬空同李子

天涯卧病驚除夕。河上逢人感昔遊。歲月浮生雙鳥翼。風塵遠道一狐裘。君還豈為鱸魚膾。我出真同雪夜舟。梅蕊柳條俱動色。幾時攜杖並登樓。

坐上次韻贈朱叔之

輶維沙舸憇蘭皋。為訪金陵舊吏曹。南鴈獨衝淮甸雪。北風遙送海門濤。尊開子夜情俱洽。賦入陽春調

此作灑如清風麗如春華

轉高起舞對君還。照影笑看吾鬢已刁騷。

寄呂思泉太僕

永陽司馬碧山居。幾度詩來重起予。筇杖日隨東郭履。綵毫時寫右軍書。梅花癖在官先棄。鸚鵡才高世共疎。吳客遠歸憑問訊。九還消息近何如。

送松溪司空致政東歸

故鄉今日是真還。八里遙應喜動顏。岐路苦辛年歲裏。廟堂勲業夢魂間。看暝鳥投深樹靜。愛秋雲卷碧山。傳語綽然亭下柳。垂垂新葉待誰攀。

送郝文範豸史謫溫州節推

萬松深護理官衙。嵐翠陰中閱歲華。策馬輜拋臺府印。登樓常眺海門霞。六朝秀句憐康樂。四海名山說永嘉。落落曉星雲霧裡。斗牛何日轉仙槎。

送吳少參懋貞梨雲軒賦

離宴逍遙不出城。梵堂燈火坐冬晴。風圍玉兔寒生暈。水咽銅龍夜有聲。兩月瑣闈慚晚步。十年詞苑托高情。相思莫更尋瑤草。漢曲春回杜若生。

白巖席上奉次于蕃侍御留別之作

道詞麗藻可掩前輩

諸詩若翡翠錯飾艷奇絕世

臘月驅車晉苑東。春風相見帝城中。自憐岐路經年別。誰遣鶯花此會同。白日心期終不忝。青山離思浩難窮。舊遊長憶松陵道。水接長橋月滿空。

次韻送都玄敬

秋江浩浩夕波寒。秋岸離離木葉丹。南北路岐頻駐馬。古今懷抱幾憑闌。平蕪日下黃雲合。舊國人歸白鴈殘。謝傅東山意無限。別來誰與共盤桓。

次韻送貞菴中丞巡視江防

際曉風帆映月斜。客懷江水共無涯。極知文事能兼

武。最喜官程不離家。農市會看刀賣犢。詩壇應夢筆生花。何人得似相如寵。守令先驅擁使槎。

教場晚酌次登字韻

百丈丹梯向晚登。將臺高處碧雲層。旌旗照水閒相對。睥睨凌霄醉一凭。天外忽聞歸樹鳥。月中遙見入山僧。深憐散帙投壺地。夜榻秋衫白露凝。

題陳氏水閣次韻一首

吟倚高樓傍檻西。碧窓回覽夕陽低。雪消芳渚鷗爭泛。春到垂楊鶯自啼。商舸近橋帆影亂。女墻如帶草

邊詩祇
覺閒雅

痕齊停杯不盡興亡感。六代豪華水一溪。

金陵春日有懷孟有涯兼憶亡友大復子

往在東山賦索居。竭來南國轉愁予。風前玉樹時難見。袖裏瑤華日漸疎。京洛舊傳東野句。茂陵新出長卿書。交遊意氣關生死。伐木歌殘恨有餘。

蝎傷右足詩以寫懷

足蝎常懷子美愁。下堂今抱子春憂。浮生禍福深難料。卒歲行藏可待謀。香散池荷花自晚。響回風葉樹先秋。不眠起坐還中夜。却傍銀河望女牛。

小題亦見風致

王守仁

字伯安號陽明子餘姚人弘治己未進士官南兵部尚書封新建伯

赴謫次北新關喜見諸弟

扁舟風雨泊江關。兄弟相看夢寐間。已分天涯成死別。寧知意外得生還。投荒自識君恩遠。多病心便吏事閒。攜汝耕樵應有日。好移茅屋傍雲山。

龍潭夜坐 在滁州

何處花香入夜清。石林茅屋隔溪聲。幽人月出每孤往。棲鳥山空時一鳴。草露不辭芒屨濕。松風偏與葛衣輕。臨風欲寫漪瀾意。江北江南無限情。

王公功業學術振耀千古固不宜以詩論然詩目秀拔不可掩其殆無幸哉人或摘其講學詩請之不知公矣

諸詩如披雲看月精輝自流

夜宿浮峯次謙之韻

日日春山不厭尋野情原自嬾朝簪幾家茅屋山林
靜夾岸桃花溪水深石路草香隨鹿去洞門蘿月聽
猿吟禪堂坐久發清磬却笑山僧亦有心

南屏

溪風漠漠南屏路春服初成病眼開花竹日新僧已
老湖山如舊我重來層樓雨急青林迥古殿雲晴碧
嶂迴獨有幽禽解相信雙飛時下讀書臺

興隆衛書壁

山城高下見樓臺野戍參差暮角催貴竹路從峯頂
入夜郎人自日邊來鶯花夾道驚春老雉堞連雲向
晚開尺素屢題還屢擲衡南那有鴈飛回

元夕雪用蘇韻

林間暮雪定歸鴉山外鈴聲報使車綠醪春光傳栢
葉夜堂紅燭亂簷花蕭條音信愁邊鴈迢遞關河夢
裏家何日扁舟還舊隱一簑江上把魚叉

南菴次韻二首

隔水樵漁亦幾家綠岡石路入溪斜松林晚映千峯

諸詩如玉
若臨風景
忽可愛

兩。楓。葉。秋。連。萬。樹。霞。漸。覺。形。骸。逃。物。外。未。妨。遊。樂。在。
天。涯。頻。來。不。用。勞。僧。榻。已。僭。汀。鷗。一。席。沙。

斜。日。江。波。動。客。衣。水。南。深。竹。見。巖。扉。漁。人。收。網。舟。初。
集。野。老。忘。機。坐。未。歸。漸。覺。林。間。棲。鳥。亂。愁。看。天。北。暮。
雲。飛。年。年。歲。晚。長。為。客。閒。殺。西。湖。舊。釣。磯。

夜宿香山林宗師房次韻

幽。壑。來。尋。物。外。情。石。門。遙。指。白。雲。生。林。間。伐。木。時。聞。
響。谷。口。逢。僧。不。記。名。天。壁。倒。涵。湖。月。曉。煙。梯。高。接。緯。
堦。平。松。堂。靜。夜。渾。無。寐。到。枕。風。泉。處。處。聲。

諸用文歸用子美韻為別

一。別。燕。雲。歲。月。深。天。涯。相。見。二。毛。侵。孤。帆。江。上。親。朋。
意。樽。酒。燈。前。故。國。心。冷。雪。晴。林。還。作。雨。鳥。聲。幽。谷。自。
成。吟。飲。餘。莫。上。峯。頭。望。煙。樹。迷。茫。思。不。禁。

喜雨

吹。角。峯。頭。曉。散。軍。橫。空。萬。騎。下。氤。氲。前。旌。已。帶。洗。兵。
雨。飛。鳥。猶。驚。卷。陣。雲。南。畝。漸。忻。農。事。動。東。山。休。共。凱。
歌。聞。正。思。鋒。鏑。堪。揮。淚。一。戰。功。成。未。足。云。

王廷相

字子衡號浚川潞州人籍河南儀封弘治
壬戌進士官左都御史無大司馬

此作如龍
婉婉雲旗
委移

五月

五月涪江信水生。淒迷風雨下夔城。舟經巴子峽東。夜心折。清猿樹裏聲。逐客漫牽幽岸芷。孤臣空濯舊時纓。沅湘何處三閭國。欲擬招魂弔屈平。

富村驛和曾世亨見懷之作

山閣梅花歲事殘。檐帷遙歷萬峯寒。詩篇到處勞相念。尊酒春來只自寬。劔嶺雲深常蔽日。潼江雪霽早生瀾。孤臣類有飄蓬歎。直道何辭行路難。

寄何粹夫

王詩如飛
驚煽吹自
羽失涼

蓬影迢迢灞曲秋。文星縹緲鳳池頭。比年書信勞相慰。此日風塵悵獨遊。學士官閒吟綠水道。人心遠夢滄洲。何時五嶽同攜手。石耳龍芝遂所求。

康海

字德涵號對山陝西武功人弘治壬戌狀元官修撰

奉天逢錦夫望之汝公三君子

諸君並是風流客。殢酒徵歌我不如。十載飄零渾一夢。百年問訊祇雙魚。詩篇尚憶同趨省。組綬空憐共直廬。白髮青袍吾獨老。愧從楊子問潛虛。

寄邢伯輿

王元美謂
德涵詩有
極佳者乃
為其友人
置而不錄
有長吉之
恨今特據
所見采之

仙掖自通青瑣闥。近臣多在紫微垣。苑中雲去金莖出。仗內風來赤羽翻。天上諫書藏太史。人間詩句見開元。獨憐卧病秋江客。愁對蓬蒿日滿園。

西亭宗室送白牡丹一本走筆書此寄謝

曾傍瓜田構藥欄。欲憑光景慰衰殘。聊同楚客憐芳草。敢冀梁園送牡丹。老病只疑花解笑。春風預想雪成團。攀援不減三珠樹。報答真慚雙玉盤。

鄭善夫

字繼之號少谷閩人弘治乙丑進士官南吏部驗封郎中

孤山寄太白山人

真詩風骨稜然不深

為問山人孫

不俗集多拗体今獨振取其合律者

惱滿地松苓。日自鋤。江夏肯相如。知君不廢茗溪釣。書帛無能寄鯉魚。

八月一首

曲巷疎籬小院幽。荒村獨夜竹桐秋。星河正直參天地。鴻雁還過何處樓。卧病豈堪聞木葉。忘機猶自著羊裘。碧霄萬里風雲氣。起傍危闌歌四愁。

答近夫思道

憶昔三吳共臨眺。登山不用杖藜扶。只今卧病難行

雄心奇氣恍惚可見

立聞爾加食定有無。千里音塵雙涕淚。萬方憂患獨
泥塗。蠻煙朔雪催人事。愁對城南鷺鴨湖。

吳閶

萬木蕭蕭河漢秋。吳閶斜日獨登樓。眼中禾黍茅茨
怨海上風塵笳鼓愁。一命未忘青瑣闥。幾時還問白
蘋洲。燕然銅柱男兒事。謾倚青萍看斗牛。

登厚坡鄭氏樓

溪上青楓高十尋。隱君樓閣晝陰陰。未妨磬折隨人
事。却為飛花動客心。南國綬氛征馬困。北山風雨斷

猿吟。鰲峯金粟茅堂在。留滯玉孫芳草深。

囊山留別黃后峯王蘄谷二同年

蒲城東畔囊山遠。黃子茅堂碧樹深。千里獨尋雞黍
約。九峯同寄水雲心。階前麋鹿看人慣。春後桄榔委
地陰。石壁題詩芳蘚合。虎溪分手暮猿吟。

太白山人

太白山人去不返。青天高映白雲袍。慣從赤縣觀滄
海。未向黃塵拂寶刀。往癖禰衡終自信。醉鄉王績欲
何逃。茗川茅屋風波外。長日漁樵生計勞。

太白自異
人頷聯足
狀之

九日登觀星臺

詩意如虎
嘯深谷雞
鳴高樹

秋盡光陰苦不開。散愁同立觀星臺。日邊間闔紅雲動。塞上風沙白鴈來。秦分正當金氣盛。鴈門未見玉音回。百年與爾同羈旅。九日徒歌黃竹哀。

不見

年來不見孫明復。布褐綸巾何處山。長日著書元自得。平時譚劍有餘閒。吳門雪水風塵上。麟閣雲臺天地間。未返初衣重憶汝。釣竿何日共潺湲。

上妙高臺

絕節高
鳴非凡耳

雲海冥冥望不迴。鯨波東蹴巨靈開。中天樓閣虛無裏。南國風煙江漢來。世短動經多事日。愁長况上望京臺。白門金鼓維揚卒。落日空傳黃竹哀。

夜訪建溪歸宗巖宿聽泉閣

葛巾隨地留芳跡。翠壁青林把燭行。山接幔亭多紫氣。夜開蓬閣動泉聲。名都合有滄洲勝。冬日還知桂樹榮。白首子真終不改。看雲坐石得吾生。

秋日病懷

南州落木歲蕭蕭。薊野風煙萬里遙。病後客心惟藥

物秋來人意滿雲霄平。沙鴈帶三湘。雨橫浦帆歸八月。潮搖落應悲楚公子。不將舊業付漁樵。

孟洋 字望之。號無涯。更有涯。信陽人。弘治乙丑進士。官南大理寺卿。

登驪山絕頂懷古得寒字

翠巘丹梯雲霧端。朝元高閣盛遊觀。芙蓉映日三秋出。檜栢生風五月寒。花外旌旗春駐輦。柳邊燈火夜迴鑾。漢宮秦墓俱芳草。渭水終南歲歲看。

過海印寺

傍湖臺殿何年起。遶寺煙波望不窮。樹裏逶迤銀漢

孟詩逸氣超羣橫不可制與仲點同生一區足稱二美

諸詩如飛綴高雲翻然下鳥

接宮前宛轉玉河通。長橋晚落千尋影。高閣晴含萬里風。滄海漫求人世外。蓬萊今在帝城中。

答高大和侍御寄書

舟過衡陽鴈已疎。經年那得故人書。一封忽漫來何處。千里殷勤問謫居。海上青驄遙羨汝。湘南芳草正愁予。清秋直北朝星斗。回首雲山萬壘餘。

九日登泰山

泰嶽風高不可當。登臨况復是重陽。杯傾下映滄溟色。帽仄平依北斗傍。魯甸風雲流野日。薊門鴻鴈入

一詩如星流霆擊迅疾無前

煙霜雄圖盛節俱陳跡城郭蕭蕭自八荒

過開城

亂山欹壑入開城禾黍油油煙霧生塞上草深充國
帳水邊花暗亞夫營青林過雨流鶯濕綠野含風戰
馬鳴自有奇謀尊俎地書生容易莫論兵

雨花臺

初夏登臨花木稀一春多恨賞心違群峯細雨江流
轉萬戶垂楊燕子歸謝傅風流今不忝秣陵雲物舊
全非空臺草長談經處風起遊絲罥客衣

盧龍山次費庶子韻

赤橋丹壁蔭豐林長夏清風散鶴音日抱帝城宮闕
迥雲葳仙洞薜蘿深天涯雪鬢三年客江上星槎萬
里心唯有閱江名尚在憑高想像翠華臨

殷雲霄

字近夫山東壽張人弘治乙丑進士官南
工科給事中

杜楊劉三君子攜酒過官舍次杜韻

縣齋微雨過蒼苔越客芳樽向晚開池畔好風驅暑
去松間明月逐人來三年戎馬身無定千里鄉書鴈
未回痛飲狂歌聊復爾不堪愁病兩相催

殷君與太
白山人多
倡和其風
度似之

金田山一首

三詩如綠
水漣漪苒
葉田

平生頗有泉石興每逢佳處即徘徊三年簿領空塵
夢十月風霜動客哀搖落江山非故國支離懷抱未
歸來一杯今日又成晚倚杖遙看海霧開

寄戴戶部仲鶚

醉後分攜不記吾晚宜堂畔費招呼晚宜仲人歸別
鶚堂名
浦江聲遠鶴舞閒庭月影孤邂逅我堪懷叔度風塵
誰復問狂夫他時相憶還勞子已約東溟舊釣徒

杭濟字世卿宜興人弘治癸丑進士官布政

登北樓次李憲長韻

杭詩如綠
池淡淡清
柳依依

城上秋雲生晚陰松間人語破幽深千家雞犬通煙
市滿地帆檣集海琛堞隱飛樓天半出草連複道雨
斜侵百年登覽留光景憂樂還誰共此心

九日餘干途中

楚澤南來愁正長清詩坐裏廢重陽茱萸滿地誰家
酒風雨孤舟客子鄉汗漫功名怜泡影蕭條容髮感
秋光陶翁歸興東籬下千古令人思渺茫

生日用舊韻

七十稀年已屆期。坐臨白日戀西馳。乾坤容我閒方得。歲月凌人老却知。孤矢柴門春到後。江山杯酒雪晴時。極知衰朽渾無用。舊學何心更累絲。

熊卓

字士選號東溪豐城人弘治丙辰進士官御史

和老杜曲江對酒詩韻閒遣

野鳥山雲去復歸。滄江心事與依微。高天院落風花亂。遲日樓臺燕雀飛。病裏豈知人事改。憂來翻覺宦情違。春光日日催行棹。草色河邊上客衣。

春興一首

塵世光陰徒草草。林居風物亦菲菲。花間雨濕身常慣。竹裏月明人乍稀。遲日暖熏幽澗草。春雲新長北山薇。滄江白鳥知人意。戀戀沙橈故不飛。

唐寅

字伯虎號六如居士長洲人弘治中解元

觀鰲山

仙殿深巖號太霞。寶燈高下綴靈槎。沈香連理三珠樹。綵結分行四照花。水激葛陂龍化杖。月明緱嶺鳳隨車。簫韶沸處開宮扇。法仗當墀鴈隊斜。

徐禎卿

字昌穀吳縣人弘治乙丑進士官大理寺副改國子監博士

熊詩如西子解頰萬大婉變

昌穀詩近
體裁有選

意在巖
典麗蓋與

何李並起
一時知爭雄

旗鼓者也

獨惜其七

言律不多

見耳

晚過獻吉齋所

端居聞子肅清修。吏散鴉啼省署幽。芳草不知人獨
往。空山何意鳥相求。開軒歷歷明星夕。隱几蕭蕭古
木秋。自昔風塵堪吏隱。浮生莫遣有離憂。

贈普上人

接屋槐陰乳鳥啼。重扉夏日敞招提。清齋慧遠頻招
社。多病維摩愧有妻。林外野葵侵石室。水邊叢竹入
清溪。幽懷即此堪怡悅。何用深山事遠棲。

送盛斯徵赴長沙

昔愁越嶠千峯又。轉入巴渝萬里賒。豈料 聖恩憐
賈誼。猶煩佐郡出長沙。蠻中瘴遠三湘水。江畔春逢
十月花。遙聽岳陽樓上笛。可能回首憶京華。

贈別獻吉

爾效金雞別帝鄉。何如李白在潯陽。日暮經過燕趙
客。解裘同醉酒壚傍。徘徊桂樹涼飈發。仰視明河秋
夜長。此去梁園逢雨雪。知予遙度赤城梁。

送廬陵楊三尹

何卑執戟謝京華。却愛河陽縣裏花。不為遠師招白

諸詩有沈
鬱澹雅
之意

明詩七言律卷一
社擬從勾令覓丹砂。青天掛席浮明月。螺水迴舟勝
若耶。莫學南昌隱君子。離群獨拂五雲車。

寄華玉

去歲君為薊門客。燕山雪暗秦雲白。馬上相逢脫紫
貂。朝回活酒城南陌。燕山此日雪雰雰。祇見秦雲不
見君。胡天白鴈南飛盡。千里相思那得聞。

感興懷獻吉

雅致若臯
蘭猗靡
修竹嬋娟
旅舍秋風動客哀。殘花秋日伴殘杯。虛名久愧為身
累。白眼那能免物猜。落魄京華空老大。旅魂江漢好

歸來山川嶠首浮雲迥。倚杖遙登何處臺。

寄杭東卿

西湖十月煙水平。梅花參差千樹明。越王城畔氣應
早。林逋宅邊江更清。驛使章臺空寄別。霜天玉笛暗
沾纓。故人若有揚州興。為聽春鴻白雪聲。

唐龍

字虞佐號漁石蘭溪人弘治間進士官官保

鎮西樓次邃翁韻

唐公一首
若甲胃明
光赫然耀
縹緲危樓百尺雄。雕甍丹柱映崆峒。月明青海烽煙
息。雲隔天山箭栝通。清夜角聲流遠塞。高秋旗影拂

長空輕裘緩帶時登眺。胡虜長驅一笑中。

桑悅字民懌號思玄常熟人弘治間舉人官長沙

碧溪

桑民懌如
俠兒使酒
奇氣自在

五兩簔衣百尺竿。碧溪十里足盤桓。卧分芳草為衾
枕。坐愛清流照肺肝。花落無聲雲影動。鳥飛不度鏡
光寒。平隄多種芙蓉樹。惟有秋容耐晚看。

宿茶陵五峯庵

攀蘿躡磴略盤紆。出澗流泉百折餘。地獻秣田充佛
供。天留松徑作僧居。數聲清磬紅塵隔。一瓣名香墨

業除。喜共山雲分半榻。通宵竟夢寄空虛。

李麟字仁仲鄞縣人弘治間官布政使

東原為王庭直賦

領聯當為
神筆

越山迢遞接蓬萊。山下平原一徑開。樹繞江流天外
盡。鳥分雲影日邊來。東風道路迷芳草。殘雪溪橋見
野梅。安石未應高卧久。天涯回首獨憐才。

沈周字啓南號石田長洲人弘治間隱士

贈少年

大有時名動兩都。風流渾不帶豪麤。平酬夜枕金條

沈詩如胡
笛吐音響
流月夜

脫寬約春袍。玉轆轤走馬慣。尋楊柳折下樓。酣倩海棠扶。近來薛債憑誰責。可信馮生毀券無。

贈徐遵誨和劉邦彥韻

斷蓬逐逐未能休。搔首西風又暮秋。曲折舊袍存蜀繡。蕭條空室去吳鉤。虛名落枕邯鄲夢。濁酒澆胷磊砢愁。莫謂尋常種瓜者。東陵曾是舊封侯。

寄桑通判

驅馳一倅厭為州。歸就高閒未白頭。竹筥理詩春草亂。糟床聽酒夜泉流。農桑舊課今家事。山水清談昔

宦遊。因愛兩湖風月好。近時知買木蘭舟。

與王優

高歌宛轉送新聲。腔愛頻移酒漫傾。着水遊絲風趁起。過墻花影月扶行。正須陶寫當吾老。更為慇懃奈爾情。可惜相逢牡丹後。柳邊聊倩答啼鶯。

從軍行

馬上黃沙拂面行。漢家何日不勞兵。匈奴久自忘甥舅。僕射今誰托父兄。雲外旌旗婆勒渡。月中刁斗受降城。左賢蚤待長繩縛。莫遣論功白髮生。

批點明詩七言律卷二

日言言行卷二

十三



